



Radunonza da vischnaunca

La proxima radunonza da vischnaunca ha liug mardis, ils 30 da schaner 2024 allas 20.00 a Rabius.

Gliesta da tractandas

1. Avertura e beinvegni
2. Elecziun da 2 dumbravuschs
3. Protocol dalla davosa radunonza communal diils 14-12-2023
4. Tractaziun ed approbaziun dalla lescha davart promoziun da sport (DC 430.000)
5. Tractaziun ed approbaziun dil project reservuar d'aua Chischnès e concessiun dil credit brut da 457'000 francs
6. Tractaziun ed approbaziun dil project da sanaziun dalla Via Camon a Cumpadials e concessiun dil credit brut da 845'000 francs
7. Tractaziun ed approbaziun dil project da sanaziun dallas lingias per la dismessa d'aua Via Camon e concessiun dil credit brut da 272'000 francs
8. Tractaziun ed approbaziun dalla nova senda cun punt dalla Greina e concessiun dil credit brut da 250'000 francs
9. Orientaziuns
10. Varia

Dils documents tier la tractanda 4 sa vegnir priu investa sin canzlia communal duront las uras da spurtegl ni sin la pagina d'internet www.sumvitg.ch.

Sumvitg, 05-01-2024

Suprastonza communal

Orientaziun davart resultats dil process da strategia

La primavera 2023 ha la suprastonza communal instradau la procedura per elaborar ina strategia communal. La basa per definir las finamiras e las mesiras ein stai ils resultats dil workshop diils 26-08-2023 sco era ils resultats dalla retschercha tier ils secundindigens. Sonda, ils 20 da schaner 2024 orientescha la suprastonza communal davart la strategia cun las mesiras che vegnan persequitadas. La suprastonza communal envida cordialmein all'orientaziun che ha liug allas 16.00 en casa da scola a Surrein. La suprastonza communal selegra sin stedia participaziun e sin bunas discussiuns.

Sumvitg, 05-01-2024

Suprastonza communal

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 05-01-2024

Departament traffic

Retgs e reginas

Ils retgs e las reginas dalla 5. e 6. classa dalla scola da Rabijs semettan sin via per visitar ils habitonts dalla vischnaunca da Sumvitg.

Els speran d'astgar legrar biars cun lur visetas e cant.

Lur tur entscheiva allas 16.30.

Sonda, ils 6 da schaner 2024

gruppa 1: Rabijs sut la via principala, Gir tochen il Mini-Consum, Caduff e Cumadé

gruppa 2: Cumpadials ella casa Sogn Giusep (16:30), Sumvitg sut la via principala

gruppa 3: Surrein

Dumengia, ils 7 da schaner 2024

gruppa 1: Rabijs sur via - via Cavivens, via Catat, via Fravia, Chistrisch, Caho,

gruppa 2: Sumvitg sur via principala

gruppa 3: caplutta Sogn Benedetg (16:00), Miraval (16:30), caplutta da Clavadi (17.00), ell'Ustria dalla Staziun a Cumpadials (17.45), en baselgia a Cumpadials (18:15), ella caplutta da Laus (19:00), ell'ustria Val Sumvitg (20.00)

Ils retgs e las reginas contan era duront ils survetschs divins sco suonda:

sonda sera

- allas 16.30 en casa sogn Giusep a Cumpadials
- allas 19.00 en baselgia a Surrein

dumengia

- – allas 09.15 en baselgia a Rabijs
- – allas 10.30 en baselgia a Sumvitg

Ina gronda part dil recav va en favur dil project 2024 dalla Missio, affons gidan affons «Da cuminonza per nossa tiara ell'Amazonia e sigl entir mund».

Dieus paghi per vies sustegn

Scolaras e scolars cun lur gidonters

Meisa da miezdi a Cumpadials

Nadja Scolieri e Team organischescha ensemen culla Pro Senectute Surselva la meisa da miezdi (Mittagstisch) inagada per meins a Cumpadials. Igl intent dalla meisa da gentar ei da promover la cuminonza denter persunas ella vegliadetgna dalla pensiun ella vischnaunca da Sumvitg e contuorn.

Liug: Ustria dalla Staziun, 7176 Cumpadials

Datum: **venderdis, ils 12 da schaner 2024, 12.00.**

Annunzias ein da far entochen mesjamna ils 10 da schaner tier Ustria dalla Staziun, telefon 081 943 19 22